

001 牛墟 (hi) //紀傳洲 (18/04/07thk改寫)

古早，牛是台灣人上重要的作穡 (tsoh-sit) 伴，牛會犁田、拖車、駛石碾、挨塗壟 (e-thôo-lâng) ...便若較粗重的空課攏愛伊鬥做。伊攏是恬恬仔擗力 (kut-lát) 去做，予 (hōo) 人真感心。這種性嘛真成 (sîng) 咱台灣人，毋才講咱是「台灣牛」。

買牛愛去佗位掠--呢？牛隻買賣的所在號做「牛墟」。佇三、四十冬前差不多各地頭攏有，較出名一的有彰化寶斗 (北斗)、雲林北港、台南善化俗鹽水、高雄岡山。這幾庄是嘉南平原交通較利便的大庄頭，牛的買賣有較濟。進入工商社會了後，機器 (hâi) 代替耕牛，牛斂 (suah) 愈來愈少，牛墟生理愈來愈bái，就一跡一跡關關--起來，tsit-má 看會著--的，差不多賸 (tshun) 北港牛墟爾爾 (niā-x)。

北港出名媽祖婆，每年香客上千萬，人來客去濟kah若魴 (but) 仔魚，鬧熱時是人揆 (kheh) 人，按呢毋才北港街仔的特產行滿滿是。有名的是麻油、塗豆油、新港飴 (î)。北港牛墟也才 (tshiah) 無予人giat-láu 揲畚斗 (tshia-pùn-táu) --去。

牛墟是佇北港大橋跤，逐 (ták) 個月的三、六、九開市，三工開一擺，一个月有九市。開市彼工，各地牛販仔共牛載來遮 (tsia)，到七、八點，人愈積愈濟，買牛的、賣牛的、看鬧熱的、做生理的，哈牛嗎嗎叫的聲，規牛墟沖沖滾。

想欲掠一隻粗勇有牽挽 (bán) 的牛，無遐呢簡單。買的愛相hoo真，聊聊仔看，勻勻仔揀。代先，共手伸入去牛喙內，喙齒愈濟牛愈老。閣來看生張，bái牛厚毛、瘦牛厚骰 (phiann) 骨，皮光滑、肉結實，跤腿粗牛蹄圓闊厚。看牛的行踏，蠻牛厚屎尿，若有抽才 有行，這種牛做空課袂 (bē) 合軀。

上尾是考車，這是對牛上大的考驗。拄起頭，叫逐 (ták) 个起--lih牛車坐，規車疊kah瀨洶洶 (tinn-khó-x)，閣共 (koh kā) 牛杙仔 (khit-á) 插佇咧車輦 (lián) 縫，予車輦 (lián) 袂輪轉，這陣牛販仔籐條揭 (giáh) 懸懸 (kuân-x)，大力擗 (sut) 牛，無論坐車頂抑是圍邊仔看--的，攏配合牛販仔的籐條頭，合齊喝 (huah) 聲，共牛鬥催，喊 (hiàm) 伊出力拖。這會當試出牛的力頭恰耐性。也有現場犁田、校 (kah) 車。買賣雙方若有恰意，就現交錢，會使現共牛牽--轉去。

細漢的時，規群囡仔相招去牛墟 tshit-迺，彼陣有賣牛恰牛車用--的農具、穿--的、食--的，也有拍拳頭賣膏藥--的、講讖 (hàm) 古--的，牛墟真鬧熱，聽講生理上好的時陣，一工會當賣幾若百隻牛。

猶會記得有一个講古--的，共阮這群囡仔講過一个（ê）笑話，伊問講：「囡仔兄，囡仔兄！恁知影北港溪下片（pîng）彼庄是啥乜（mih）庄頭--無？」

阮相爭應講：「啥人毋知是六跤殿！」

伊講：「六跤殿無毋著，啊六跤殿的東片（pîng）彼庄--咧？」

阮講：「是新港--啦！」

講古--的才開始講：「著--啦！就是新港。新港庄有一个（ê）中年人，啥厝邊同齊，各人擔一擔番薯來北港賣，番薯賣了--矣，行過查某間，看著姑娘生做媿（suí），予（hōo）人招--入去，錢煞開了了，到中晝，腹肚真枵（iau），無奈何（ta-uâ）落去北港溪捧水淋（phóng~lim）。

到e-晡轉去厝--裡，個某問--伊：『你食--未？』

伊細聲細聲講：『有--啦，有食一粒肉粽。』

同伴攏真奇怪，問--伊：『啊明明就無看你食，你哪講有食？』

伊講：『煞毋知三捧水抵（tí）一粒肉粽額。』」

予（hōo）阮一群囡仔笑kah東倒西歪。

（約 1100字）